

www.BibleForChildren.org

Matiu 8



Ego pana vinaue rane za taroiti za maka tekuteku
varielava pa Kena pa Qalili, ko na tinana i Jisu za
korapa ketakoi. Ko i Jisu beto ko ria nana sepele ba
qari somana tasoru valao tugu pa vavolo varielava aza.




Totonai za pidili za na buku vaini, nari za paranga laoa i Jisu za na tinana, <<Tuqu, za betodi na vaini ria,>> za gua. Nari za parangaria na tinana ria na nabulu, <<Muna roitini gu gamu aza vei mina garunudigamu aza,>> za gudi.



Ko za paranga laoria i Jisu ria na nabulu,
<<Mu vapugeledi na pie galegale za na
bogu jagi zara,>> za gua. Nari qari
vapugele jutudi na pie tugu ria za na bogu
ria.



Beto za garunuria i Jisu ria, <<Ego koviria mu tinuria kaki kolo, ko mu pogozo laoni tana tinoni za kopuni na vavolo,>> za gua. Nari qari pogozo laoni tugu aza vei za pojadi i Jisu.



Ko za buku podekia na tinoni kopu vavolo za na kolo
za tapeluku vaini nari za valingilingini, ba zake gilagilai
pae za koko lame vei za na
vaini aza. (Ba ria na
nabulu qari tinua na
kolo ko qari gilagilaidia
za.)



Ko za kukua za na tinoni za varielava, ko ari za guni
vei, <<Qokolo, ria doru tinoni za na vaini leana jola
mae tu za qari iia momoea,
beto totonai qari tori dori
buku tu ria na tinoni za
beto qari iai za na vaini
nake loka leana. Ba ao
za qu kopu vakolea ko
koviria tu qu
vavotua
za na vaini leana
jola,>> za guni.





Ani za na roiti vinagilagila momoe za roitini i Jisu pa
Kena pa Qalili, ko ketakoi za
vatadogoroni aza za nana
neqi, ko ria nana sepele
qari vazozotoa aza.



Ego tonai za kamu pa ruma ti Pita i
Jisu, za batia za na qoele roana i Pita
za mangini na tinina ko za korapa
kole momonana pa lovu.



Ko za arua i Jisu za na limana, nari za taloi tana za na mo mangini ko za tatakole vatana vani na tekutekuna aza i Jisu.



Ego ko totonai za
gore na veluvelu
tonai za koni suvu
za na tapo, nari za
qari toka kamudi
tana ria za doru
tinoni momodi beto
ko ria za lugeria na
tomete ikikeredi. Ko
na minete tinoni
lavata pa guguzu
aza za qari
varikamu pa
atakamanana na
ruma aza.



Ko za salanaria i Jisu za na tinoni za rajaria na okokoto mo, beto za iju votu paledi aza za doru tomete ikikeredi. Zake vamalumuria aza za na tomete ikikeredi ari ko bari pojai kaki paranga, ura qari gilagilaidia ria na tomete aza.




Ko ria doru za qari
kole podepodeke
vitivitigi ko mari
ulia aza ko mari
tasalanadia qari
gua, ura na neqi
za votu tana ko
zoku tinoni qari
tori tasalana tu.



Totonai tugu za qari pogoza kamuni ari ka made tinoni
za maka tinoni za uke maka kale kobu tinina ko zake
boka rerege.



Ba qarike boka pogoza laoni tana ria
za na tinoni ani ura za pugelia na tinoni
za na leo ruma. Ko qari keza ko qari
kakelia tu za na arena na ruma pa totona
zozoto i Jisu. Ko za korapa tugu kolenana
pa nana lovu za qari
vasikulu gorea za
na tinoni
aza.




Tonai za batia i Jisu za ae na koi vei lavatana na ranagerange tadiria nari za paranga laoa aza za na tinoni za uke kale maka kobu tinina, ari za guni vei, <<Tuqu, qari tori taleozo turia na mua sela,>> za guni. ari za guni vei, <<Ma pojanigo ara ao: turu, mu tekupogozia na mua lovuko mu mule laomua pa mua ruma,>> za guni.




Ego za zae pa maka koaka i Jisu beto ria na nana sepele, ko mari toka lao pa maka kale karovona na ovuku Qalili qari gua. Nari za raja vasiboro pa kolo za maka ranebongi, ko za vavapoara tarini na ololobagea za na koaka. Ba i Jisu za kole putagana tugu.



Nari za oeria i Jisu ria, <<Ae za vei ko gamu matagutu tu za gamu? Za beko peki na miu rangerange!>> za gudi. Beto za tatakole aza ko za tokea za na gava beto na kolo, nari za bule elava za na kota. Nari za qari gabara beto ria doru, ko qari kole variparanga mule makadi, <<Koi, ae tu tinoni veveina ani? Ko na gava beto na




ololobagea tu ba qari nongoria tu!>> qari gua ria.



Ura pa zona vei ani za roquroqua
na Tamaza za na kasia guguzu: za
valamea aza za na Tuna makai, ko
ria doru mari rangea aza za marike
uke manyao goto mari tekua na
toa jola.

40



60



Romu 3:23 ura ria doru tinoni za qari sela beto gu ko qarike kamua za na pada ululuna za vakolea na Tamaza.

Romu 6:23 Ura na tabarana na sela za na uke tugu, ba na varivana tana Tamaza za na toa jola aza taqe izongia gita tonai taqe kole maka tavitia i Jisu Karisito na nada Bangara.

Giburu 9:27 Doru tinoni za mari uke maka totozo gu, beto pa liguna aza za mari gozoroni varituti tana Tamaza ria za na dia sela.



Episasi 2:8,9 Pana nana variroqu varialo gu za alogamu na Tamaza za gamu tonai gamu rangea na Tamaza. Ko na inaalo gamu tekua za nake vuana na miu podepodeke leadi, goto na varivana gu tana Tamaza. Zake koko lame vei pana roiti leadi tadigamu ani, ko kepore maka tinoni mina paraparanga vatarazae muleni makana.

Romu 10:9,10 Ko vei muna ule votuni pa beruberumu za na Bangara i Jisu muna gua beto vei muna vazozotoa pa bulomu za na Tamaza za vaturu mulea pana uke aza, nari za pala muna taalo ao. Na tinoni za vazozotoa pa bulona na Tamaza za vaturu mulea pana uke i Jisu za tavatuvizi pa moena na Tamaza aza, beto ko na tinoni za ule votuni za na Bangara i Jisu za gua za za taalo.



Jone 3:16,17 Ura pa zona vei ani za roqueroqua na Tamaza za na kasia guguzu: za valamea aza za na Tuna makai, ko ria doru mari rangea aza za marike uke manyao goto mari tekua na toa jola. Ura na Tamaza zake garunu valageria pa kasia guguzu za na tuna ko mi pitua aza za na kasia guguzu zake guni, goto za garunu lagereni ko mi aloa tu aza za na kasia guguzu za gua.

1 Jone 5:11-13 Ko ani na vavakato aza: na Tamaza za tori vadigita tu na toa jola, ko na toa ani za kole tana Tuna. Na tinoni za tekua na Tuna za izongia za na toa ani, goto na tinoni zake tekua na Tuna na Tamaza za zake izongia za na toa. Dorudi ari za qa kuti laodi ara tadigamu ko gamu mu gilagila valeania za gamu izongia na toa jola za gamu za gamu vazozotoa na izongona na Tuna na Tamaza qa gua.



Matiu 8-9; Maka 1-2, 4; Luke 4, 8; Jone 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ghanongga NT (ghn) © 2024, Islands Bible Ministries. All
rights reserved.

<https://www.bible.com/en-GB/bible/4052/MAT.1>

©2026 Bible for Children, Inc.

www.M1914.org

www.bibleforchildren.org

